

xli

Expedye

Expedye

Au nom de dieu soict

Je **Jacob Baille docteur et advocat en la cour** habitant de la ville de **montauban** soubzsigne estant mal dispose de ma personne ; et a cause de ce estant contraint tenir le lit estant dettenu de certaine maladie corporelle, toutesfois par la grace de dieu estant en mes bons sens memoire entendement bien parlant voyant oyant et parfaitement cognoissant et considerant qu( )il n( )y a rien de plus certain qu( )est la mort et plus incertain q(ue) l( )heure d icelle et avant de m( )en aller de vye a trespas affin que apres mon deces n( )i ayt proces ni differant en(tr) mes parens j ay volleu disposer des biens qu( )il a pleu, a l eternel nostre dieu m avoir despartis de sa main liberalle par mon presant testament solempne en la forme et maniere que s ensuit, premierement j ay recommande mon ame a dieu le pere tout puissant, le priant de tout mon coeur me vouloir f(air)e pardon et misericorde, des faultes et peches q(ue) je puis avoir comises ou pourray commettre a l advenir, contre sa majeste divine pour l amour de son filz bien ayme jesus christ nostre seigneur et lors que mon ame sera separee de mon corps icelle vouldoir recepvoir a son saint throne celeste de paradis & au reng de des esleus et bien heureux ; et mondit corps estre inhumme et chrestienement ensepvely suivant l ordre de la **relligion refformee** de laquelle par la grace de dieu je fais proffession et vennent a distribuer mes biens je dit baille testateur donne et legue aux povres des hopitaux de la presant ville la somme de vingt livres t(ournoi)z que veux leur estre payee dans l an apres mon deces par mes hoirs bas nommes, item je donne et legue a damoysselle **marye de bousquet ma femme** pour les bons et agreables services que j ay receus d( )elle et expere de recepvoir a l advenir, toutz et chacungz les meubles soit linge coffres cuivre estain et generalmente toutte sorte de meubles de quelle nature qu( )ilz soient que je me treuveray saisy tant dans ma maison que ailheurs, le jour de mon deces aussy oultre ce donne et legue a lad(ite) de bousquet madite femme tous et chacungz les debtes qui me pourront estre deubz le jour de mon deces que veu et entens lesd(its) debtes appartenir a madite femme et qu( )elle les puisse prendre et lever quand bon lui semblera et qu( )elle fasse et dispose de tout ce dessus a ses plaisirs et

---

.....

volontes tant en la vye qu( )en la mort sans que a tout ce dessus donne a madite femme mes hoirs bas nommes y puissent rien

prethendre ni demender privant par expres mesd(its) hoirs bas  
nommes de fere proceder apres mon deces au cachettement de  
mes coffres, ny f(air)e proceder a l invent(air)e de mesd(its) meubles ny q(u'ils)  
troublent et molestent madite femme en la jouissance du susd(it)  
legat que je luy fais, dadvantaige oultre ce dessus ]~~veux~~[  
]et entens le[ je veux et entens que le pair de robes que  
je suis obligé et tenu donner a lad(ite) de bousquet madite femme  
par le **contrat de mariage** entre nous passe **rettenu par rig[aud]**  
no(tai)re de ceste ville, soient payees a madite femme par mes  
hoirs bas nommes en la mesme forme qu( )est conteneu dans [...]  
contrat de mariage, le tout sans prejudice aud(it) contrat de  
mariage auquel je n entens rien innover, ains veus que [...]  
le contenu en icelluy sorte son plain et entier effect,  
item je donne et legue a **susanne de aussen filhe a feu charles  
ma filheule**, la somme de soixante livres t(ournoi)z que veus que lui [...]  
soit payee par mesd(its) hoirs bas nommes lors qu( )elle ce mariera  
autrment non et au cas que lad(ite) d aussen viendra a deceder sans  
estre maryee je veus et entens que lesd(ites) soixante livres  
viennent et appartiennent a mesdditz hoirs bas nommes  
ausquelz e la substitue, item je donne et prelegue  
a m(aîtr)e **david baille docteur et advocat en la cour** monsieur **mon  
frere consanguin** toutz et chacungz les livres de qu( )elle nature  
qu( )ilz soient que je me treuveray saisy le jour de mon deces  
et veus que mesd(its) livres soient bailhes a mondit fre(re) incontina(n)t  
apres mondit deces, sans aulcung contredit, et en toutz  
et chacungz mes autres biens immeubles presans et  
advenir ou que soient et puissent estre assis et scitues  
j ay fais et institue mes hoirs universelz et generalz  
ledit m(aîtr)e david baille mondit fre(re), **jacob jean et ysaac  
bailles filz de feu ysaac mes nepveus, david, joseph et samuel  
guis filz a feu m(aîtr)e david procur(eur)**, aussy mes **nepveus, joseph et david  
ynardz filz de m(aîtr)e jean ynard no(tai)re**, aussy mes **nepveus**, pour par  
lesd(its) baille mon fre(re), bailles, guis et ynardz mes nepveus partir

---

et diviser mondit bien et heredite par esgales partz et portions et que aultant de part  
en y ayt l ung que l autre et qu( )ilz en fassent a leurs plaisirs et volentes tant  
en la vye qu( )en la mort, toutesfois advenent que aulcung de mesd(its) hoirs  
viendront a deceder sans enfens de leur legitime mariage en ce cas je  
les substitue de l ung a l autre, et que la portion / d( )heredite/ des decedes vienne  
aux survivans ou survivant et ainsin de l ung a l autre comme dit est  
item je veus et entens que les susd(its) legatz et debtes que je pourray  
debvoir le jour de mon deces soient payes par mesd(its) hoirs, item je veus  
et entens que lesd(its) jacob jean et ysaac bailles mesd(its) nepveus  
tiennent en compte sur leur part et portion d( )heredite la somme de  
deux cens septante cinq livres t(ournoi)z que led(it) feu ysaac baille mondit fre(re)  
me doit, laquelle d(ite) somme de deux cens septante cinq livres t(ournoi)z veus  
que lesd(its) bailles fre(re)s mesd(its) nepveus payent en( )seulz sur leur part et  
portion d heredite / item je casse revocque et annulle toutz autres  
testemens codicilles donna(ti)ons que je puis avoir cy devant faitz le

presant testament demeurant en sa force et valleur lequel je veus que  
vailhe par droit de testament codicille donna(ti)on a cause de mort  
et par autre meilleure forme q(ue) de droit pourra valoir, item je  
veus et entens que mond(it) presant testament solempnel soit et demeure  
secret jusques apres mon deces et que apres mondit deces  
icelluy soit ouvert et publye et que tout le contenu en icelluy sorte  
son plain et entier effect, en foy et temoing de tous ce dessus  
je( )dit baille testateur me suis soubzsigne avec pierre  
creysseilh marchand de la p(rese)nt ville et guillaume rigaud not(air)e  
royal dud(it) montaub(an) mes bons amis et dequelz je me confye  
ayant fait escripre mondit presant testament aud(it) rigaud  
not(air)e **faict a montauban dans ma maison le second jour  
du mois de may mil six cens vingt quatre -----**

De Baille, testateur

De( )mendment dud(it) testateur

P. Creysseilh, presant

Rigaud, not(aire) r(oyal)

.....

L **an mil six cens vingt quatre** et le **troizie(me)** jour du mois de **may** apres midy a **montauban** en quercy et dans la  
mai(so)n du testateur regnant nostre souverain prince louis par la grace de dieu roy de france et de navarre pardevant  
moy no(tai)re royal soubz(sig)ne et p(rese)ns les tesmoingz bas nommes, estably en sa personne m(aîtr)e jacob baille  
docteur et advocat en la cour habitant la p(rese)nt ville, lequel estant gisant dans ung lit **a la salle basse** de sad(ite)  
mai(s)on detteneu de certaine maladie corporelle toutesfois par la grace de dieu estant en ses bons scens memoire et  
entendement bien parlant voyant oyant et parfaitement cognoissant, a dictavoir faict son testament solempne escript  
dans le presant cayer en ung feuilhet et peage papier, et par luy signe, et de son mendment escript et signe par moy  
d(it) no(tai)re [...] dans lequel est conteneu sa disposi(ti)on de derniere vollonte, et veult et entent led(it) s(ieu)r baille  
testateur qu( )icelluy p(rese)nt testament solempne soit et demeure secret jusques apres son deces et a cest effect a este  
cachette a sept cachetz de sire rouge d( )espainhe, sur sept lyes de parchemain, et apres sondit deces veult et entent  
led(it) sieur baille testateur que icelluy presant testament soit ouvert et publye, et que tout le conteu en icelluy sorte son  
plain et entier effect en toutz les pointz et chefz portes par icelluy comme estant sa dispo(siti)on et derniere vollonte, sy  
a requis et pryés les tesmoingz bas nommes en estre memoratifs et a moy d(it) no(tai)re luy en retenir acte pour plus de  
validite dud(it) presant testament ce qu( )ay faict ez presences de pierre creysseilh marchand, david cresseilh aussy  
marchand pere et filz, anthoine blanc maistre cordonier pierre poujade bridier de la ville de milhau, jean croze  
appo(ticai)re grossier dud(it) montauban, david bouissou maistre cordonier dud(it) montauban ^° soubz(sig)nes led(it)  
testateur et jean g[rese/] maistre bastier de la p(rese)nt ville lequel a dit ne scavoir escripre ni signer et moy no(tai)re ^°  
mathieu maladye sargier de la presant ville /  
De Baille, testateur P. Creysseilh, presant Debouissou Creysseilh, p(rese)n t Blanc  
J. Croze Poujade M. Maladie

Rigaud, not(aire)

.....

L **an mil six cens vingt cinq** et le  
**treitzie(me)** jour de **fevrier** a **montauban** pardevant nous  
Samuel Descorbiac con(seill)er du roy & lieutenant general  
civil et criminel en la sen(echau)cee de quercy au siege dudict  
montauban dans n(ot)re ma(is)on

Auroit compareu m(aîtr)e **jacques pages**  
**procureur pour le scindic des pouvres des hospitaux**  
dud(it) montauban lequel a dict & remonstre que

m(aîtr)e **jacob baille docteur et advocat** seroit **decede le jour d hier** au prealable avoir fait testamant solempnel qui est au pouvoir de m(aîtr)e guillaume rigauld not(air)e royal de la presant ville & d aultant qu( )il presuppoze que dans led(it) testamant il y a legat fait en faveur des pourvres il a fait assigner led(it) rigaud not(air)e pour venir remettre led(it) testamant ensemble les tesmoingz numeraires a l acte de presanta(ti)on pour venir advouer e(t )reconoistre chacung son seing ensemble m(aîtr)e  **david baille docteur advocat fre(re) du deffunt** e(t )m(aîtr)e

.....

**jean ynard not(air)e** pour voir proceder a l ouverture et publica(ti)on d( )icelluy req(uer)ant attendu qu( )ils sont illec presans estre enjoint aud(it) rigaud not(air)e de remettre devers no(us) led(it) testamant

Sur quoy en presance desd(its) baille et ynard qui auroint accordé le deces de m(aîtr)e jacob baille pour avoir este a la sepulture du corps mort d icell(ui)

Ledict rigaud not(air)e auroit accorde avoir en son pouvoir ledict testamant solempnel et offert le remettre req(uer)ant apres la verifica(ti)on et ouverture d icell(ui) faicte la re[creance] luy en estre bailhe pour en faire les expedi(ti)ons aux parties que y auroint intherestz

Aurions ordonne qu( )il seroit presentemant procede a le verifica(ti)on ouverture e(t )publica(ti)on dud(it) testam(en)t solempnel et a ses fins estoit enjoint aud(it) rigaud not(air)e icelluy exhiber et remettre tout presentemant devers nous a peyne de cent livres d( )esmande

Et a l instant led(it) rigaud not(air)e a remis devers

.....

nous led(it) testament solempnel en ung cayer papier ferme et cachette en sept endroitz avec cire rouge d( )espaigne sur lies de parchemin au dessus duquel est l( )acte de presanta(ti)on retenue par led(it) rigaud not(air)e le troisieme may mil six cens vingt quatre ycy inceree et tenue

L( )an &ct

Et par nous ayant este monstree et exhibee aud(it) rigaud not(air)e lad(ite) acte de presanta(ti)on ensemble a pierre creissel merchant david creissel aussy mer(ch)ant pere et filz pierre poujade e(t )jean croze lesquels avec seremant ont dict scavoir led(it) rigaud que le second dud(it) mois

de may il feust envoye c(h)ercher par led(it) feu baille  
(en) sa mai(s)on ou estant alle et dans la salle basse  
d( )icelle estant en ses bons sens e(t )memoire entendem(en)t  
bien parlant oyant e(t )parfaictemant cognoissant fist  
escripre aud(it) rigaud son testamant solempnel lequel  
il dicta de mot a mot et pares qu( )il l eust escript  
led(it) baille testateur le signa et apres de son mande(me)nt

.....

le luy fist signer ensemble led(it) pierre creissel  
et a mesme temps en la presance dud(it) testateur  
le lia avec de lies de parchemin et le cachetta en  
sept endroitz avec cire rouge d espaigne estant  
ainsin fermé et cachetté led(it) baille le prinst e(t )retira  
jusques au lendemain troisieme dud(it) mois de m[ay]  
que led(it) baille testateur en la presance desd(its) creiselz  
pere et filz croze poujade david bouissou anthoine  
blanc mathieu maladie e(t )jean gresel presanta  
remist devers luy rigaud not(air)e led(it) testament solempnel  
ferme et cachette en la forme susd(ite) dans lequel devoit  
estre escript de la main dud(it) rigaud not(air)e son testament  
solempnel en ung feuilhet et partie de page papier  
signe au fondz tant par led(it) baille testateur creissel  
e(t )par luy contenant la depp(osition) de ses biens et derniere  
volonte et vouloit que tout le contenu aud(it) testam(en)t  
solempnel incontinant apres son deces sorte son plain  
et entier effect en tous les pointz et chefz portes par  
icell(ui) et qu( )il demeurat secret jusques apres son  
deces *laqui.on* duquel il remis la susd(ite) acte  
laquelle il recitta aud(it) deffunt et luy presanta

.....

lad(ite) acte pour signer et l ayant signee en sa  
presance et des susd(its) tesmoingz de son mandemant  
lad(ite) acte feust signee par lesd(its) creissel pere et filz  
bouissou blanc croze poujade e(t )maladie e(t )par  
ledict rigaud not(air)e recognoissant parfaictemant  
son seing ensemble ceulx desd(its) tesmoingz pour  
avoir este faictz en sa presance a laquelle acte  
de presanta(tion) seingz y appozes et cachetz n( )y a  
rien d alteré et lesd(its) creiselz pere et filz croze et poujade  
ont dict que led(it) jour troisie(me) may eux ensemb(le)  
led(it) bouissou blanc maladie et gresel feurent  
envoyes c(h)ercher en la ma(is)on dud(it) baille ou estant  
en leur presance et desd(its) bouissou blanc maladie  
et gresel led(it) feu baille qui estoit lors dans son  
lict dettenu de certaine maladie corporelle toutesfois  
estant en ses bons sens memoire e(t )jugemant  
bien parlant oyant e(t )parfaictemant cognoissan(t)  
presanta e(t )remis devers led(it) rigaud not(air)e ung

cayer papier ferme et cachette en sept endroitz sur lies  
de parchemin dans lequel il declaira avoir faict

.....

escripre aud(it) rigaud not(air)e en ung fueilhet e(t )partie  
d autre papier son testamant solempnel contenant  
sa depposi(ti)on et derniere volonte et que tout le contenu  
en icelluy incontinant apres son deces sorte son  
plain et entier effect en tous les pointz et chefs portes  
par icell(ui) voulant q(ue) jusques apres son deces il  
feust tenu scret de quoy feust retenu acte par  
led(it) rigaud not(air)e a la requi(siti)on dud(it) baille testateur  
qu( )il escrivist sur led(it) cayer papier et apres le  
recita aud(it) deffunt en leur presance et desd(its) bouis[sou]  
blanc maladie et crezel absans et le presenta a  
icelluy pour signer et l ayant signee a l instant de  
son mandemant en sa presance ilz signerent lad(ite)  
acte ensemble led(it) blanc bouissou e(t )maladie et  
par led(it) rigaud not(air)e reconnoissans parfaitement  
chacun son seing ensemble ceulx des au(tr)es tesmoings  
absans pour les leur avoir veu faire ausquelz ni aud(it)  
cachet n( )y a rien d altere

Nous d(it) lieutenant general aurions ordonne  
demeurant nostre verbal charge de la verifica(ti)on de

.....

lad(ite) acte de presanta(ti)on seingz y appozes et cachetz  
qu( )il sera procedé tout presantemant a la lecture  
d icelle et apres a l( )ouverture e(t )publicqua(ti)on dud(it)  
testamant

et incontinant a este procedé a la lecture de  
lad(ite) acte de presanta(ti)on par david barthe greffier  
soubz nous escripvant

Ce faict avec ung ganifvet avons coupe les  
lies dud(it) testamant et icell(ui) ouvert lequel avons  
trouve escript en ung fueilhet et demy page papier  
en dacte du second may dernier signe au fondz par  
led(it) baille testateur et de( )mandemant dud(it) testateur  
par led(it) creissel et rigaud not(air)e sans aulcune  
altera(ti)on duquel la teneur s ensuict

Au nom de dieu &ct

Lequel testamant avons monstre et exhibe tant aud(it)  
rigaud not(air)e que aud(it) creissel pere lesquelz aud(it) sere(m)ent  
ont dict scavoir led(it) rigaud avoir escript e(t )signe led(it)

.....  
ledict testamant du mandemant dud(it) deffunt  
lequel le luy dicta de mot et mot et ledit) creissel  
pere qu( )apres que led(it) deffunt eust ainsin dicte de  
mot a mot sa volonte aud(it) rigaud not(air)e il le pria  
comme de ses amis de le signer ce qu( )il fist

Après avons fait proceder a la lecture dud(it)  
testamant par led(it) barthe greffier

Nous aurions ordonné demeurant n(ot)re verbal charge  
que dessus que led(it) testamant est tenu pour ouvert et  
publie declare bon e(t )valable la recrean(ce) duquel ensemb(le)  
de n(ot)re verbal apres qu( )il sera dresse est bailhe aud(it)  
rigaud not(air)e pour en faire les expedi(ti)ons aux parties  
que y auront intherestz e(t )sur ce avons interpose  
nostre decret et autoritte judiciere sauf le droict du  
roy & d( )aultruy

Et en au(tr)es actes par nous n( )a este procede en  
foy et tesmoingz de quoy nous sommes soubz(sig)nes e(t )faict  
signer led(it) barthe greffier soubz nous escripvant aud(it)  
montaub(an)

Descorbiac, lieut(enant) general

De mandemant dud(it) sieur descorbiac,  
Barthe